

## How bai mi ken kamap wanpela “dijital sitisen” wantaim strongpela tingting?

Insait long wol igat ol lo bilong bihainim long ol samting yu ken mekim na ol samting we yu no ken mekim, taim yu stap onlain. Taim yu go onlain, yu kamap dijital sitisen. Displa i min olsem yu mas tingting gut na mekim samting, na yusim ol skil na save long klia tru olsem wanem samting yu wok long lukim long onlain, na olsem yu save long toktok gut wantaim ol narapela lain.

### Wanem samting em ‘dijital lekmak’ blong mi?

Dijital lekmak blong yu em ‘yu’ taim yu stap onlain o bai yumi ken tok olsem em dijital lukluk blong yu. Em olgeta samting yu save mekim insait long intanet. Em karamapim ol email na ol mesej yu salim; ol toksave yu serim; websait yu save go long en; ol poto yu save postim; na ol samting we yu laikim, serim o mekim koment long en long sosel midia.

#### Yu olsem wanpla dijital sitisen i gat wok, yu mas:

1. Mekim samting long banisim ol stori blong yu.
2. Tingting gut pastaim na bihain yu postim ol tingting blong yu.
3. Tingim ol arapela na rispekim ol.
4. Bosim gut wanem samting yu save lukim na serim, husat yu konek wantaim, na long wanem we.
5. Luksave long ol kain hevi we inap kamap na mekim samting long stap seif.

### Statim tude

Olgeta taim yu serim wanpla post, poto o toktok, yu mas tingim wanem samting yu laikim tokim ol pipel long save long yu – na wanem yu yu no laikim ol bai save long yu. Dispela ken helpim long banisim ol profesenel infomesen na dijital lekmak blong ol pipel husat iken yusim displa long bagarapim nem blong yu, o blong ol yusim yu long mekim wok blong ol yet.



Tingting  
igo bek



*“Mi tingting pastaim long mi serim”*

Rispek



*“Mi mekim pasin long ol narapela wankain olsem mi laikim ol mekim long mi”*

Mekim  
Samting



*“Mi bosim mi yet long stap seif long go onlain na nogat birua ken kamap long mi”*